

THESES PHILOSOPHICÆ,

Q U A S

CLANICII IN ÆDE D. VIRGINI ANNUNTIATÆ SACRA

ANNO MDCCLXIX. MENSE AUGUSTO, DIE

PUBLICE DEFENDENDAS SUSCEPERUNT

R. R. F. F. CASTUS GRUESS, ANGELUS POBER, & DONATUS SAMLEN,

ORD. MINOR. STRICT. OBSERV. PROFESSI, ET PHILOSOPHI ABSOLUTI

PRÆSIDE

P. F. ABUNDO PILPACH,

EJUSDEM SACRI ORDINIS ACTUALI PHILOSOPHIÆ LECTORE.

I. Philosophiam, quæ est *Divinarum, humanarumque rerum, tum initiorum, causarumque, quibus hæc res continentur, scientia*, de novo apud nos acquisitam censemus, II. Eamque in Logicam, Metaphysicam, Ethicam, atque Physicam rite partimur: III. Harum prima scientia simpliciter Theoretica pro objecto adæquato attributionis respicit Syllogismum ut sic: nec immerito in perceptivam, judicativam, discursivam, & methodicam dividitur, eo ordine, quo distinctæ quatuor mentis operationes subordinatæ sunt; IV. Primæ, seu simplici mentis perceptioni sive complexa ea sit, sive incomplexa, falsitas nulli tribui potest, sed, si quæ intercedat, judicio subsequenti adscribitur. V. Veritas, & falsitas formaliter non sunt ipsi actus intellectus, sed consistunt in relatione conformitatis, aut difformitatis actus cum objecto. VI. Certissima inveniendæ veritatis instrumenta sunt artefacta Logica, sive tres modi sciendi; VII. Directorium verò, & omnium primum principium in genere demonstrationis redarguitivæ est illud metaphysicum: *Impossibile est &c.* VIII. Judicium, quod ideas, seu perceptiones præsupponit, non componitur ex iisdem; sed est simplex mentis actus in annutu, vel abnutu consistens. IX. Porro ideas omnes adventitias, aut factitias dicimus, & eas rerum spiritualium, atque abstractarum, quas *innatas* vocant, frustraneas judicamus. X. Eadem numero propositio contingens de præsentis indeterminatam temporis partem significans potest successive transire de vera in falsam, vel econtra. XI. Intellectus præmissis rite dispositis assentiens necessitatur tam quoad speciem, quam quoad exercitium ad assentiendum conclusioni. XII. Actus scientiæ cum actu opinionis, aut fidei de eodem objecto simul, & semel in eodem intellectu de nulla potentia consistere potest. XIII. Ens ut sic, perfecte ab inferioribus præscindens, respectu Dei, & creaturæ, substantiæ, & accidentis univocum defendimus. XIV. Possibilitatem Logicam creaturæ formaliter habent ex se; principiative vero ab intellectu Divino. XV. Essentiæ rerum creaturarum, res ipsa universales, habent unitatem formalem tum in statu essentiæ, cum existentia: XVI. Et licet metaphysice necessariæ, immutabiles, & æternæ sint; nullum tamen esse reale actuale ab æterno præferunt. XVII. Subsistentia creata nil est positivum, sed consistit in pura negatione duplici actualis, & aptitudinalis communicationis tam *ut quo*, quam *ut quod*. XVIII. Inter gradus metaphysicos datur distinctio, ex natura rei formalis, ab Auctore suo *Scotistica* dicta. XIX. Etsi materia respectu formæ, & hæc respectu materiæ veram causalitatem exerceat; ut unitæ tamen non habent veram rationem causæ respectu totius compositi. XX. Nec in eodem, nec in diverso genere causæ secundum eandem rationem sese mutuo causare possunt; nec causa immediata, & efficiens agere in distans: nec de aliqua potentia idem numero effectus in sensu composito à duabus causis totalibus non subordinatis ejusdem generis, & ordinis produci. XXI. Datur in creatis potentia obedientialis tum activa, tum passiva; non tamen cujuslibet ad quodlibet; unde etiam virtus creatrix creaturæ prorsus repugnat. XXII. Mens humana, cujus existentia evidenter demonstratur, est substantia per se existens, forma informans, pure spiritualis, & immortalis. XXIII. Hæc tunc solum à Summo rerum Opifice creatur, & humano corpusculo infunditur; dum hoc ad vitales operationes obeundas jam perfecte dispositum est: errores vero Tertulliani, Apollinaris, Origenis, & aliorum à tot Conciliis, & Patribus damnatos, pariter contemnimus. XXIV. Quamvis *Modus* teste D. Aug. lib. 21. de Civ. Dei c. 10. *quo corporibus adherent spiritus - - - omnino mirus sit, nec comprehendi ab homine possit*, fidei tamen, & sanæ rationi conformius in hypothesi influxus physici per veram utriusque à se mutuum dependentiam exponi posse arbitramur; ac proinde systema utrumque Cl. Malebranchii, & Leibnitii ut absurdum rejicimus. XXV. Anima rationalis est tota in toto corpore, & tota in qualibet parte ejus: cumque pro statu conjunctionis in operationibus suis à corpore dependeat, eam partem cerebri, quæ *callosa* appellatur, eidem pro principali sede assignamus; in ea quippe testibus Anatomicis nervi ex toto corpore concurrunt. XXVI. Voluntas Regina potentiarum est essentialiter libera; proinde XXVII. Etsi in operationibus suis à præcognitione intellectus tanquam à conditione *sine qua non* ita dependeat, ut ad actus inefficaces cognitionem apprehensam objecti, & ad actus efficaces judicium practicum intellectus prærequirat, adhuc tamen semetipsam libere ad operandum determinat. XXVIII. Physica corpus naturale quale tale suum veluti objectum adæquatum contemplatur, ejusque existentiam natu-

rali ratione contra Immaterialistas demonstrat. XXIX. Etiam si corporis nomine intelligamus substantiam extensam, impenetrabilem, & reliquis affectionibus generalibus præditam: ejus tamen rationem formalem præ reliquis corporum attributis in entitativa extensione collocamus. XXX. Principia corporis physici sunt materia, & forma, ex quarum priore tamquam parte determinabili; ex altera vero tamquam determinativa intrinsecus essentialiter componitur. XXXI. Quod si mechanice consideretur, nec quatuor vulgaria elementa: nec quinque chimica pro primariis corporis principiis agnosci possunt, sed XXXII. Principia ejusdem, seu partes integrales sunt exilissima quædam corpuscula, seu moleculæ; variam habentes texturam, figuram, & motum. XXXIII. Existentia accidentium absolutorum in Ss. Eucharistiæ Sacramento ex Conciliis Constantiensi, & Tridentino probabiliter deducitur, ut adeo horum dicta cum Recentiorum loquendi modo non satis conciliari posse videantur. XXXIV. Actu nec vacuum coærvatum, nec disseminatum datur, nec naturaliter dari potest, utrumque tamen virtute Divina possibile dicimus. XXXV. Mundus hic inanimatus ab æterno non extitit, nec ex fortuito atomorum concursu coaluit, ut somniarunt Democritus, & Epicurus, sed in tempore, & probabiliter verno, è nihilo sui eductus est in ea perfectione, ut tamen plures tum substantialiter, tum accidentaliter perfectiores sint possibiles. XXXVI. Systemata, quibus compago totius universi explicatur, tria numerantur: Ptolemaicum plura continens absurda rejicimus: Copernicanum ob literalem Scripturæ sensum, cui aperte adversatur, Tychonico posthabemus; quamvis illud Astronomiæ, & Physicæ legibus, tum naturæ simplicitati apprime consonum videatur. XXXVII. Substantia solis fluida, & formaliter ignea est, cujus maculæ sunt fuliginosi quidem vapores, & exhalationes ex solaris Oceani æstuario erumpentes, & circa solem nubium instar condensari solitæ. XXXVIII. Luna, & quinque minores Planetæ corpora opaca, aspera, & globosa sunt; quare alieno, & à sole mutuato fulgent lumine, ac hos incolis suis esse provisos inter figmenta reponimus. XXXIX. Stellæ fixæ sunt totidem soles proprio gaudentes lumine: scintillatio earum oritur tum ex irrequieto vaporum motu, tum ex agitatione aëris, tum denique ex ipsarum motu vertiginis circa proprium axem. XL. Cometas sydera errantia, Mundo coæva, Planetarum instar solida, & obscura, certa, constantique lege orbitas suas elypticas describentia dicimus, ideoque cuncta eorum præfagia, ut aniles fabulas respicimus. XLI. Cunctis vero astris omnem influxum alium per occultas qualitates præter lumen, & calorem in hæc sublunaria negantes, Astrologiam judicariam, quæ influxum aëreoscopium, & genethliacum asserit, ut vanam, & superstitionis Chaldæorum imposturam à Ss. Literis, Ecclesia, & PP. damnatam abjicimus. XLII. Dari in rerum natura materiam aliquam electricam ex effluviis, seu exhalationibus electricis constitutam, sensu, & ratione certum est; veram tamen, atque certam phænomenorum electricitatis causam nemo in hunc diem invenit; XLIII. Sed neque hypothesi Magneticæ virtutis, quam R. R. à profluviis substantialibus ab alterutro polo erumpentibus, & per polos Magnetis transeuntibus oriri arbitrantur, omnibus omnino difficultatibus caret. XLIV. Fontium omnium, & fluminum origo potissimum ab ipso mari est repetenda; licet & quosdam fontes temporaneos ex aqua pluviali, aut condensatis circa montium latera vaporibus oriri, alios item perennes augeri non diffiteamur. XLV. Nullum vivens pluribus nec simul, nec successive, est donatum animabus: sed una duntaxat virtualiter operationes aliarum continente. XLVI. Præter formam substantialem, qua composita animata in esse viventis constituuntur, datur & alia forma substantialis, nempe corporeitatis. XLVII. Bruta non sunt mera authomata adeo, ut eorum anima in pura elementorum combinatione, subtili flammula, aut denique in flore sanguinis consisteret; XLVIII. Neque plantæ, quæ omnes ex semine specifico nascuntur, pro intrinseco principio, quo augmententur &c. ipsum mechanismum habent; XLIX. Non secus etiam insecta, cunctaque alia animantia ex ovis sæcundatis excutiuntur, adeo, ut putredo nihil conferat, quam fomentum, & calorem. L. Tot tandem, tamque mirabilium operum Auctoris non modo existentiam contra Atheos, sed & unitatem ejus contra Polytheos naturali ratione demonstratam propugnamus. Cui sit

O. H. L. G.

THE UNIVERSITY OF TORONTO

1924

CLAUDE J. B. D. V. R. G. I. A. N. N. I. T. A. T. E. S. T. A.

N. M. O. L. E. C. T. A. L. E. A. P. P. A. R. T. I. C. U. L. O. S. A. D. I. C. T. O. R. I. U. M.

P. U. B. L. I. C. I. O. N. E. M. A. D. A. D. A. M. S. U. B. S. C. R. I. P. T. I. O. N. E. M.

R. T. C. A. S. T. R. O. G. R. E. S. S. A. N. G. E. L. L. O. S. T. O. R. M. & D. O. N. A. T. I. O. N. E. M.

Q. U. A. E. S. T. I. O. N. E. S. S. E. C. U. N. D. A. M. A. D. I. C. T. O. R. I. U. M. E. T. P. R. I. N. C. I. P. I. A. L. I. A.



P. R. I. N. C. I. P. I. A. L. I. A.

R. T. C. A. S. T. R. O. G. R. E. S. S. A. N. G. E. L. L. O. S. T. O. R. M. & D. O. N. A. T. I. O. N. E. M.

R. T. C. A. S. T. R. O. G. R. E. S. S. A. N. G. E. L. L. O. S. T. O. R. M. & D. O. N. A. T. I. O. N. E. M.

66287

03.00 25.90

